



談經石

見事無成愧此身杖藜來看峽山春
無端盤石談經處恍有扁舟入夢人
五岳聊酬今日志三生喜說舊時因
從教叅透西來意徙倚寒崖好問津

海翁巖

憶昔輕舟歷峽山昨宵蝶舞翠螺鬟
有人古貌逍遙出欵我空林翠律間
尋夢乍來巖下坐談經却笑石頭頑
題名且向禪棲處雲水無心任徃還

釣鯉石

得魚旋舉貢秦王踞石難禁笑趙郎入夢豈能同釣
渭干時空自學要湯投竿嘯傲從吾好散髮登臨納
夏涼適興每當新月上一天清露裛琴張

放生池

羣流會瀉峽山根敕禁漁人賜號尊八表誰為安樂
境一泓特濬放生源青衣應已騰天漢碧水依然遶
寺門寄語當年貢鯉客好將垂釣作垂援

凝碧灣

一灣如鏡碧于天亘古滌洄遶殿前放櫂思叅船子

案臨風疑湧虎溪泉神龍煉性恆馴鉢野鳥忘機對
扣舷錫得嘉名千載頌高山流水憶坡仙

犀牛潭

我來中宿數興亡共說犀潭事渺茫寺逐神飛成勝
蹟犀為龍化豈荒唐撇將金鎖遺漁父聽取晨鐘禮
梵王性定久經忘甲子風雲空自日奔忙

龍磨角石

巨石巉然枕峽湄束將萬派盡東之雲根不逐江流
轉砥柱長為地脉支龍藉他山恆礪角漁從別許只

潛窺我來欲進石公履慙愧已非孺子時

深秋同友人徐皜亭門人孫璫存季弟粲依遊

金芝岳作

洞靈能致雨策杖共幽尋寒溜凝瑩玉頑砂耀渾金

一洞有石隙流砂凝結如金團堅不可破芝田耘雀跡丹井沸龍吟欲盡

窮源興風高霧滿林

和孫明府秋早禱金芝巖龍湫得雨喜復舊亭

勒石誌異韻

濟旱憑真宰荒巖禱蟄龍隨車初沛雨比屋漸聞春

亭敞青山合碑昂紫霧封新猷何大茂願教比蒼松

小遊禺山

遠甫 梁為鵬 中翰三水人

炎州勝槩數禺山此際探奇耐間關莫嘆鷓雛今不

見忘機只有白鷗閒

遊飛來寺用佟方伯壁間韻

仲包 唐 蒙 岡州

寺從梁代至飛閣入雲深山色環清供江流轉梵音

猿馴歸本性僧老守初心杖屨隨吾往登臨發浩吟

次佟方伯畫壁松韻

崑崙山志 卷四
紺宇曾停白鴿舟松濤間繪壁間畱龍鱗老幹千尋
勢絹素人應鄭重收

釣魚磯

最愛禺山把釣磯閒花野草遶芳菲我來獨坐觀魚
樂不羨魚肥羨遯肥

古寺獨眺

懷慙 釋德身 閩人

古刹臨江岸凝眸縱大觀水鳧常泛泛林鳥亦關關
山色天然畫溪穀自在瀾誰能忘世累到此共盤桓
飛來書懷

一到飛來寺宛然似故家風亭觀舞鳳月窟聽鳴蛙
絕志劉伶酒鍾情陸羽茶寄形天地內不管事如麻

孫大尹春正禮佛賦呈

靄靄陽和解凍嚴恰逢携雀到葑簷名山滿路春風
引福地千峰瑞氣添燈月今宵輝紺殿絃歌已早度
丹檐大官釀就梅花酒六計應酣第一廉

寓峽寺偕禪人看山花和韻

彷彿 劉嗣崇 安福人

散步岩空處拈花倦眼開根蟠竒石固香逐好風來

插鬢猿姬嘯沾泥帝子哀禪堂鐘鼓振携手下雲臺
遊飛來次坡公韻
公三
王士俊 涼州人

訪勝飛來寺放棹柳煙灣溯洄偕朋好凝眸共解顏
甫見漁南泛又看樵北還行行極攀躋鐘磬出雲關
尋仙登幽洞懷古弔空山歛若怒濤生風穀在樹間
縱步踏落紅珊然響佩環言歸月挂峰笑指嫦娥驪
次孫堂臺金芝巖禱雨韻

早不為公苦懸知人是龍精神通洞燭村野響濤春
豐褐依亭表黃尊瀉酒封芝巖行雨處應拜大夫松

峽山寺作

儒珍 朱國璠 吉水人

幾度飛來禮梵王巖花歷亂鳥迴翔曹溪流到碧灣
處活水源源遶佛廊

用齋 劉作霖 龍泉人

一覽禺陽勝不窮界分南北費天工排山水勢真能
砥及第吾心頓覺空來雀峰邊多羽客放生池畔少
漁翁其間正好成肥遯何事乘槎泛海東

東坡釣磯

訥菴 蕭韶若 南海人

豈有放生池坡公肯下釣世人愛其名借以生光耀

篆字鐫雲根水落堪凭眺我乘秋爽來清風激萬竅
泛舟繫磯邊領會禺陽妙坐看羨魚者嗷然發一嘯

帶玉堂覽勝

曠亭

徐

喆

錢塘籍
山陰人

宿峽精藍古鐘磬出翠微綠螺依寺結白練夾簾飛
樹密迷芳徑雲深遲落暉蒼然來暮色隱隱見猿歸

歸猿洞感懷

洞口桃花依舊栽仙姬那復認喬才拚隨癡夢羅浮
去不逐哀轂宿峽來底事幾年悲夜月芒鞋此際印
蒼苔團團尚想玉環在門鎖重雲叩未開

次友人劉海翁遊金芝巖韻

靈湫甘雨湧快意結幽尋乳滴崖堆雪砂凝水浴金
采芝驅燕剪投石激龍吟坐對此荒度新亭戀舊林

載筆亭

百花洲上花非舊載筆亭前筆又新題徧青山渾不
厭滿江明月照迷津

觀音井

又佳

張引年

慈谿人

井源莫問濬何年一滴楊枝遍大千非是唐僧能拜
得慈心無處不涓涓

遊飛來贈湛菴和尚

雲翼潘

溶分防遊戎杭州進士

兩人飛來寺山奇景絕清懸崖龍挂布高樹鳥吹笙
飲水澆塵渴聽經遠世情何時隨杖錫長此話無生

喜雨亭落成恭頌孫明府

梁迪中翰新會人

翼翼啟新亭亭緣喜雨置此地宅仙真其中蘊靈異
芝草凝金光丹壚餘藥氣石燕解飛翻潭龍恆鼉鼉
日月供吐納風雷厲專司旱魃昔為災告虔煩在位
所祈輒有應斯亭遂經始今年秋雨艱連月火雲熾
郊原龜甲坼阡陌龍鱗賴為感賢侯心用表勤民意

默禱誠初通甘霖沛立至溝澍潤澤深高下生機遂
麥浪青如油稻苗碧成膩即看穎粟垂豫期錢鏰施
千箱卜豐盈百室同懽慰化育權可參輔相才無二
我侯不居功因亭以見志工築繼前賢經營闢勝致
燕衍集冠裳揮灑成文字上以頌神祇下以著祥瑞
穹窿鐫碑碣久遠齊天地而我適來遊謳歌附載記
又

芝岩祈禱洞門開甘澍旋隨石燕來天象謾勞占畢
月臣心真可感風雷千畦秀發機初動一氣行生運

已回喜雨名亭今似昔記成寧讓長公才

清遠峽

中宿雙崖峻芙蓉類削成風煙連五嶺雲樹接三城
纜路凌霄上江流坼石行寒猿躡洞後猶有斷腸聲

飛來寺

亂峰環繞水滢洄福地遙從天上來峽闢雙崖行日
月寺飛中夜挾風雷空潭犀影侵堦動古洞猿聲入
座哀誰復垂綸依此地葛仙壇下有荒臺

歸猿洞

亂離初別上陽宮便作行雲洛水東夙願盡酬人世
上野情歸向霧煙中真成眷屬原非幻解脫鉛華色
是空為問訶陵環在否洞門蕭瑟掩西風

遊禺峽作

錦濤
馮

鸞
清遠衛秀
水進士

峰圍七十二中有寺飛來傑閣憑高樹危亭逼上台
花鋪化樂境翠點讀書臺獅石嵐香擁猿環寶氣堆
瀑連銀漢瀉榴倚白雲栽好句才人續荒祠帝子哀
地靈歸未得松老夢初回角挂庾關上東風遶屋梅

泊飛來寺小遊

固齋

梁永祐
州牧
奉天人

維舟依古寺訪勝一登臨花露沾衣濕苔錢沒屐深

因香跟麝跡擲果試猿心回首停橈處灘高已夕陰

花阡

敬齋 孫緝祖 潘陽人

買得胭脂染淚痕禺山深處掩長門釵梁不惜殉青

塚鈿合應教伴倩魂風度夜香憐帝子露沾芳艸憶

王孫從今幽夢憑蝴蝶花落渾無車馬喧

禺峽弔古

魁吾 丁國泰 英清守戎 蓬萊人

二禺棲隱處弔古今人哀埋骨曾無塚讀書豈有臺

登臨惟發嘯往事不須猜極目浮雲表神仙駕鶴來

峽山除夕有感

釋覺慧

老去無成事勞生又一年衰容明鏡裏孤影暮燈前

風滿一林雨花寒幾樹煙今宵峽山上誰復更相憐

釋慧朗

身世若萍梗情懷如絮綿常時尚不可此夕倍凄然

雨色羣峰失風聲萬樹連何當交子亥又度一新年

千章 釋法信 本寺

爆竹聲頻响三更乞漏遲笙歌人鬧夜風雨我醒時

寒磬圍燈影幽鐘散水湄寂寥無所倚檢點卽年詩

晤劉海翁徐皜亭兩先生誌喜

山自崔嵬水自深美人昨夜寄冰琴清徽曾向雲中
聽妙緒還從畫裏尋月照禪枯憐入定花知春到助
長吟相依那得同蓮社問字任教酒滿斟

甲午上元前三夕侍從孫明府遊峽山卽事

仙令飛鳧向洞天樓臺佳氣隔宵懸銀鈎篆去輝厓
壁白雪歌來倒峽泉喚鶴先尋扶我杖教僧引過繞
溪煙最高峰頂啣杯後笑鼓瑤琴待月圓

遊禺山作

樂依劉繼表 安福人

造化工變化陵谷互相易宮室藉人成一成未易拆
拆之尚且難况復踰疆場誰是許旌陽昇仙能拔宅
禺峽古梵宮巋然煥金碧云是蕭梁時神運至蠻貊
傳頌歷千秋飛來名赫奕我作嶺表遊探竒常時憤
足踏五色雲手摩千歲栢軒軒窮幽勝如雀振羽翮
上人猿姬洞下坐達摩石欲問抱朴書擬呼昌期奕
等閒出瑤林解渴嚙花液拂拂微風生清香襲兩腋
祇覺心境豁不知眼界窄

飛來殿

遜有孫可佩 潘陽人

馬嶺山志 卷四 李
松濤樛火日光輝却羨空王錦作圍絕頂風迴仙鶴
舞雕梁霧擁活龍飛舒州勝槩成荒蹟中宿神踪足
嗣徽徃事謾言都是勾試從洞口看猿歸

瀑布

古刹飛來作勝名泉飛峭壁似雷轟風飄練影懸丹
絳日晃簾光挂水晶喜有清涼消溽暑慙無傑句寫
竒情山中自昔多仙客闢得銀河好濯纓

臥仙巖

鎮日飛流瀉翠巔誰從此處作酣眠雙眸空炯還成

俗一覺無驚應是仙喚雀啼猿隨所適枕流漱石自
為緣塵心洗盡忘機事却笑邯鄲夢枉然

半雲亭

欲上禹陽古梵宮半山已被白雲籠僧攜茗果勞塵
渴鳥弄笙簧下碧空俯瞰渾如身造極仰觀猶有逕
能通尋幽到此頻揮汗坐受虛亭一陣風

放生池

攀藤策杖上方來俯瞰環山水一杯兩岸花枝爭嫵
媚滿池魚影自低徊長竿絕釣能忘筭畫槩頻搖應

不猜鎮日洋洋良自得何須滄海咏游哉

凝碧潭

禹山奇蹟甚繽紛寺外澄潭鏡紫雲魚向波間驚燕
剪人從水底測天文洗開月魄歌明月漱淨雲牙望
白雲鼓棹應忘歸路杳神清祇覺隔塵氛

犀牛潭

潭水澄澄入望迷輕舸漫鼓過前溪盡言重譯朝天
闕曾至雙禺走水犀伏浪夕生搏霧翼騰雲早應劫
蟠泥當年若遇降龍佛應教頷珠片刻携

獅子石踞飛來之巔癸巳夏抄巨友入援緣而
上相離數武山雨驟來迷離而返豈獅子座終
不令凡人唐突耶悵然賦此

薜蘿峰頂挂朝暎翹首疑看白澤蹲靜拋焰毛巢野
鶴閒懸星眼玩山豚方驅蹇步凌風去驀聽殷雷逐
電奔疾賦歸來歸未得催詩頭上雨傾盆

讀書臺

黃帝有何書二君來此讀昔人故好奇我亦作奇錄

問歸亭

卸却玉環去猿心已了然逍遙空五蘊何必問歸年
雲臺山

直上飛來頂寒煙鎖翠峰雲臺鐫絕壁從此識仙踪
獅子石

可惜米南宮當年不見此倘同坡老遊笑看拜獅子
遊金芝巖偶過靈源寺作

鬱鬱松陰裏靈源小徑通停鞭情未已側耳聽松風
出米洞

夏代雨金上自稱洞中出米恐無徵飛來境有流珠

洞無怪人人願作僧

又

五穀原從播穫成未聞石洞也能生而今若果綿綿
出南畝農人可免耕

靜觀巖

巖前飛瀑鎮山阿就裏潛觀意若何妙在動中偏得
靜信知佳興四時多

達摩石

初祖東來此寺畱談經踞石炯雙眸頑然莫笑無知

識想見當年會點頭

和光洞

步入和光橋火籠花分五色現天工我來欲訪安仙
跡且坐巖邊看落紅

定心泉

共道斯泉可定心古今幾見定心人置之且作齊諧
語解渴何妨飲一巡

釣鯉石

一石巋然映水濱趙湖曾此釣金鱗此君不是嚴光

侶急取若魚貢獻秦

縹幡嶺

帝子原為採竹畱丹成久作太虛遊精神尚助唐時
將故把神幡縹不收

喜雨亭

體遠 羅 來 順德人

君不見豐隆一轂旱魃走石燕鼓翼封姨吼電母爛
爍應鱗飛天倒銀河傾北斗江山一幅澄墨圖邨南
邨北皆拍手三日二日乃始晴把酒家家笑懽穀家
家笑懽復何道使君格天最精誠使君大澤惠生民

農工泥首若崩雲咄嗟天雨豈人力何以不謝皇天
謝使君君不見慘風吹日日色烈若火燎原不可滅
其雨其雨怨朝陽夜夜推牕見明月葺收司權秉肅
殺我農擁鋤暗飲血血滴南畝三尺裂大饑之後逢
旱癘蒼生安得不凋敝搔首仰屋天如何重賴使君
懷利濟恨不身為十日霖便欲乘天問天帝走馬芝
巖裡河伯分明築墀得地脈雨洞飛泉盪虛空礙翻
石井三千尺舊時喜雨亭建此蘇公郭公並矜美豈
似使君五月求晴便得晴而今九月求雨更得雨我
固謂即羨如神童叟更道使君仁半年之上饑饉臻
民生險不化為塵民生得不化為塵使君有粟如雲
與衆分詎異赤地霖靈雨泣鱗脫涸枯草春他年若
修喜雨亭石碣應勒茲茂勲孔明如水傳說霖名流
千載永不磷

次孫明府禱雨金芝岩韻

石室欣河伯使君禮數真雨能甦萬物天不靳深仁
大澤流江峽歡呼滿廣輪岳邊有芝艸剪伐戒吾民
金芝岩祈雨立應賦此誌喜

不妨沉醉菊花天蒼帝而今意有年岩壁已瞻飛石
燕郊農先祝雨公田豈宜勝槩委陳迹况是高功跨
昔賢待得新亭落成日銜杯索句更陶然

次孫明府復建喜雨亭韻

密雲生石嶠至德動神龍秋旱回春色邛歌雜晚春
山亭丹嶂擁碑字絳紗封瞻仰懽無極長吟謝赤松

飛來晚眺

盡日清樽醉曲欄悠然山水有餘歡峽吞返照波敲
碎風掠孤霞雁影寒猿狖已歸煙瘴合樵漁初唱水

雲寬登臨愧我飄零客歲暮猶訝行路難

望歸猿洞

題詩踪跡每淹留北望常懷洞裏幽石徑半侵煙霧
冷玉環長脫海天秋青山一別人空老故侶無多客
欲愁我愛褰裳遠相訪虛無恐是古瀛洲

二禺峽中遇友人話舊

峰南峰北雁紛紛獨客登臨正念羣兩峽山靈新識
我一江秋色又逢君心孤長抱憂時病才短難工乞
食文愛汝近逢賢地主不須磨劍更從軍

舟入中宿峽

梁以壯

前山當面隔一轉忽相通世路已如此人生却亦同
樹深藏宿雨煙澹散朝風簾笠眠漁父蘆邊日影紅
晚過中宿峽

雨後斜陽半虹霓艸面生有山皆畫意無水不琴聲
薄霧空猶濕潛蛟影欲呈曾聞老僧說幻變似人情

九日登飛來寺

好是臨江絕峭間瀑高秋峽聽潺湲頻來此地能忘
世斬老於情詐住山病久已同黃菊瘦醉餘將逐白

雲間微吟負詩僧約飽臥松根不忍還

題飛來寺

荔工關 陳詞林 南海人

飛來古寺自何年高占雲山百尺巔朝案峰如僧禮
佛當門石似虎聽禪潮流婉轉清江曲峙峽嗟我福
地偏任是趨名爭利客到茲心境却冷然

同諸友遊飛來壘用佟方伯韻二首

子和唐 鈞新會人

昔日二禺遺蹟處飛來院宇峽雲深散花臺上含春
色滴翠巖前出梵音讀碣如看千載事扳藤能到幾

出山志 卷四 五
亭心同遊多是才華客一景應須一紀吟

又

夢繞此間曾已久來遊何惜到山深小橋流水孤僧
度古樹參雲衆鳥音飛閣只應瞻聖像獻環難復問
猿心幾多壁上畱題句拂拭塵埃細細吟

舜臣

陳凱元 上虞人

吾折飛來峰飄然自天竺偶遇西天僧具說真面目
我曾窮雙屐雲霞幾重複擬向峰間栖遨遊同麋鹿
無端塵網牽餌我以微祿捧檄來粵東備員入中宿

有寺曰飛來近在禺山麓我本閒曹人乘暇駕飛軸
嘗從寺中來聽叅梅子熟渴飲定心泉飢食巖下菊
何殊在故鄉靈隱恣徃復欲師安昌期長此習辟穀

蒼雪崖

釋仁中

古木蒼崖雨後新米家雖畫未全真山雲不約常來
護江月無心自照人

中宿峽

扁舟深夜載漁郎月到波心滿峽光幽境不知誰共
得許多清影在滄浪

遊飛來寺和千章上人韻

朝爾代

部郎長白人

峭壁雙撐兩峽天，峽江環抱梵宮懸。
千林細鼓松濤韻，萬壑爭流瀑布泉。
靜會禪機忘物我，閒敲詩句拂雲煙。
夕陽倒返橫斜影，輪轉蓮臺共月圓。

丙申春莫予兒嗣崇偶遊飛來與寺中尊宿微言契合畱連百日忽櫻疾而卒予次歲赴寺收

殖志哀

周郁劉

麟安福人

雙馬在昔兩經行，此日人來不勝情。
坐臥自憐憑几杖，晨昏誰復問溫清。
強為季札空安命，懼作卜商竟

喪明頂禮梵王弘，慧力還期石上結三生。

馬峽作

謙安

郁文光安福人

蒲帆高挂到馬山，古廟親瞻帝子顏。
曠代衣冠垂玉珮，盛時殿閣鏤金環。
瑤林異卉閑中植，石室遺書靜裏刪。
驀聽鐘聲雲外度，樞衣徑自闖禪關。

和前韻

黃中杜

贊嘉興人

盈盈一水界馬山，七二峰頭足解顏。
雀唳撩天因擇木，猿啼繞樹為歸環。
飛泉渾自銀河落，綺句常從粉壁刪。
勝地儘堪忘甲子，棄繻何事望梅關。

登飛來寺

凌雲關上進孝廉南海人

福地動金仙飛來舊所傳雲霞天半護梯磴樹中懸
虹澗纓山帶風帆織峽泉三山不可到斯已九霄邊

其二

欲尋香積寺先過半雲亭苔蘚千尋綠芙蓉萬朶青
江光翻夕照籟响會禪經徙倚長松下閒看鶴刷翎

其三

梁代年何古舒州路更迢浪傳蕭寺址飛到禺山椒
縹緲疑蓬島玲瓏逼絳霄攀躋徒極目惆悵白雲遙

其四

披策蕪京去登臨亦偶招遠遊多有恨勝覽慰無聊
薄礙山僧茗旋鳴海國橈浮名何日謝此地伴漁樵

遊禺峽作

如壁王彥士花縣庠生

久慕雙禺作勝遊到來真覺冠炎州揆竒欲告諸峰
遍逸興翩翩邁子猷

偕友遊峽山

遜虞劉文奎安福人

攜手禺山最上峰乾坤俯仰蕩心胸青山尚帶鴻濛
色幽徑空尋亘古踪採竹旣然來帝子錫名何必用

皇封我來欲問當年事高閣曾唳响暮鐘

和前韻

臨若 陳日照 徽州人

簫聲隱約下高峰擾攘無端此際曾漫採修篁還叶
律欲尋帝武竟無踪荒祠空酌三行酒神爵常存累
代封想像山光同水色乘雲冉冉聽清鐘

和前韻

借純 郁景范 安福人

一覽雙禺無數峰峰峰擁翠豁塵胸神仙有地開丹
竈帝子無人識履踪俞徑空憐青蘚合書坑早教白
雲封放懷正欲窮幽勝古寺鏗然報曉鐘

和前韻

有義 李瑞 國學士

兩山矗起插天峰太息禺君一拊胸玉食未能成帝
業草衣聊此隱仙踪寒江歷落聞漁唱古廟蒼涼挂
敕封律協鳳皇何處响曉風殘月振疎鐘

帶玉堂對月

時敘 王惠 州同知
花縣人

明月浸青山浩色莽今古羣動寂無聲禪誦停鐘鼓
長河檻外流活活時吞吐當年讀書人曾此滌鉛素
啼猿夜不歸棲鶴驚高樹

雨中過中宿峽

省齋 高日 侯官人

舟行若無路挺出兩峰高一線流青靄千重捲翠濤
濕雲封古寺靈雨歷征舸來徃勞勞意塵踪未許逃

中宿峽阻漲

春潮天上落水勢峽山飛拔槩開陰霧牽舟入翠微

客懷真欲絕幽興總相違

時訪孫韋邨
不值故及

側耳蓬牕外

瀟瀟雨正霏

飛來寺

峽磴紆迴竹攬輕深幽真在畫中行檣移樹杪雲多
礙篙落磯頭鳥不驚千尺瀑花飛碧漢四圍嵐氣護

朱薨問歸亭上舒長嘯响會天風鼓太清

飛來古寺

蘭偶
黃鶴巖
江寧人

峽水東西玉帶橫南山雲氣北山迎松濤會得飛來
意微出千年風雨聲

讀書臺

軒轅帝子讀何書直上飛來絕頂居老樹藤蘿挂千
尺儼然親見結繩初

歸猿洞

靈猿曾說舊因緣歸老煙霞得自然偷去玉環無用

處古花血滲一千年

談經石

西來宗旨貴無言好事何人勒石禪只有莓苔會
深意文章剝蝕到中邊

東坡釣磯

千載髯蘇去不還釣磯流水玉潺湲蜻蜓艇子尋詩
句吟過東西峽口山

犀牛潭

月峽雲封路不通水犀無跡去西東那能閒却垂綸

手要向潭心釣五龍

定心泉

山靈獻貢說竒緣智藥當年此坐禪心到定時泉自
湧西來功德水涓涓

半雲亭小憩

四宜劉侍安福人

一亭結山腰千嶂芙蓉削門蘿憩其中煙雲垂四幕
仰瞻衆象幽俯聆江聲搏天風動衣襟形神忽肅寞
芒鞋遊汗漫靈境恣盤礴帝子如相逢攜手飛來閣
暢話古皇事山泉聊共酌

遊峽山

朗月曹 鵠 秀水人

七十二峰似錦城
倏然一見眼雙明
忘機野鳥依岩靜
入定遊魚映水清
若個燒丹開石鼎
我來解渴作茶鐺
等閒萬籟空中發
側耳疑聞天上笙

和前韻

巨光 馮 昂 進士秀水人

何必馳懷入化城
禺山寂歷最空明
飛來延祚千秋勝
流到曹溪滿峽清
正好疏池頻鑑髮
不須煮石另開鐺
欲呼帝子乘雲至
截竹為余作鳳笙

和前韻

在昌王 鉞 蘇州人

鼓檝斯須到鳳城
且停兩峽看山明
無心出岫浮雲淡
有意尋幽逸興清
色相全空塵外想
川原共煮個中鐺
高歌擬和陽春調
好問神仙借玉笙

和前韻

亦百王 朋 花縣舉人

莫侈崑崙千里城
飛來梵宇最通明
環山矗起諸峰秀
帶水長流一派清
採藥漫攜穿險屐
煮泉好就煉丹鐺
何當天籟等閒發
恍惚如聞子晉笙

阻風遊峽山

漢依 劉繼章 安福人

輕舸驀阻石尤風
乘暇登臨逐轉篷
望去既多仙子

宅飛來更有梵王宮踏花鹿女羣相戀歸洞猿姬性
獨空萬籟齊鳴諸景肅披襟誰與話鴻濛

峽山吟

靖君李灼邑庠

幸生名勝地隨候樂吾真遇暑渾忘夏凝寒亦似春
登山堪縱目踞石好垂綸舉世誰同調禹君與結鄰

帶玉堂覽勝

序皇孫繼祖瀋陽人

不減東林勝山高曙影微曉風吹霧散峽水帶雲飛
我愛尋幽趣誰同戀夕暉息帆帆又挂明月笑空歸

入山

憲顯釋興徹長壽嗣席

行脚原無定今來古道場悠然思去住默自問禹陽
刈艸黃金塢拈花帶玉堂一時鐘鼓振遶砌發幽芳

出山

棲遲禹峽寺原欲老煙霞長掬飛泉飲任將法鼓搥
雕梁巢燕雀碧海走龍蛇忽憶來時路扁舟放水涯

飛泉亭

學也孫可仕瀋陽人

一片松風送雨斜怒濤聒耳雜鳴蛙髯蘇叅透動中
靜遊寓心安便是家

帶玉堂禮佛自警

弘潤釋法雨吉安人

為憐夙業重視髮向清江易舍書千卷難融血一腔
雲寒頻遶樹月冷慣窺牕稽首空王座塵心猛自降

告致歸里舟出崑山詩以誌別

擊菴 劉國梁 鎮江人

微才膺微祿數載羈中宿常從濱江來探竒雙馬麓
兩鬢未斑二豎侵歸去來兮出山陰敢告軒轅黃帝
子從茲千里寄琴心

墨池

汝駭 陳有聲 蕪谿人

禹北禹南兩墨池徘徊池上繫人思讀書帝子今何

在想見當年蘸筆時

自雄州解纜歷觀韶陽一帶山水秀絕已心艷
之聞中宿之十九福地甲於諸勝擬至則維舟
登臨詎甫經寺門舟子遽順流鼓棹僅一寓目
而已悵然有作

梧岡 吳 桐 桐城人

昔人曾有言宇內山川大人生能幾何安能遊箇箇
但令身到時莫教輕放過我自抵梅關振衣雲封坐
問寺所由名飛來一角隋方舟走激湍噴薄身飄簸
青碧兩岸迎突兀竒且那或如笋干霄爭迸氣不挫

或如羣馬奔騰空卸羈拖或如王者尊萬笏端朝賀
羽蓋張於中霓旌揮右左計程下涇陽遊子正朝臥
暮聽百鳥喧漁歌相唱和雙峰峙如門帶水劃然破
中宿峽上山二禺名久播帝子炫神功一夕風雨作
頓運舒州刹習習同轉磨等閒十九峰玲瓏來佛座
靜定自如如雲房淡紫邏任教說荒唐我偏欣敷譚
擬洗雙荷葉停橈聽功課饒眼飽丘壑五都聚百貨
幽險資所探變幻誇愚悞鼓棹怨舟人歎乃不收舵
迅駛去若飛山靈應笑唾六尺羣人忙胸膈塵泥泥
棹進一回頭境遷情其奈

峽山

欽安 劉文勳 安福人

翠鬟一派映江湄十二金釵未足奇閱遍寒崖皆入
畫搜窮怪石盡題詩漁樵結隊吹長笛猿猱為羣守
斷碑回首雲封梅嶺寺飛來角挂過關時

和前韻

聚遠 劉繼奎 安福人

蒼翠排空夾水湄峽分南北迴離奇難尋帝子同調
律且約高僧共賦詩猿嘯常穿金粟洞虎蹄怯過尚
書碑飛來古殿何年事正是蕭梁佞佛時

飛來寺懷古

紹汾 何景儀 蘇州人

神靈默運普通閒殿勢凌空嵌石灣凝碧潺湲滌五
曲期雲縹緲列千環林深竹密鐘聲靜壁峭臺高屐
齒艱愧我塵踪飛不去飄飄羽化讓眉山

其二

客帆飛去又飛來此寺飛來不復回角挂雲封龍脉
遠幡飄翠嶺峽江開琴心閣畔尋桃逕天城關邊望
嘯臺一自馴猿空色相靈山花雨淨塵埃

海翁巖

在世誰非夢幻身海翁原是再來人蒲團坐破渾無
相貝葉聽殘似有因高枕驚回波激灩重遊尋遍碧
嶼岫龍蛇走石孫公筆卽字名巖載乘新

飛來寺

松樵 宋壽圖 長洲人

嶺表多名勝飛來寺亦奇飄然千里至不用五丁移
積翠如屏列懸流似練垂靈山成聖果遊賞到今時
問歸亭

折柳勞勞怨別離秋風蕭瑟動相思玉環已卸吾廬
在可許歸來再畫眉

遊飛來寺未登絕頂坐問歸亭漫賦

省菴

范廷謀

部員四明人

飛來天際杳難攀且倚亭前一放顏顧我無心遊物
外笑他有意落人間千章喬木依巖翠百尺流泉下
澗潺幾度問歸歸未得丹山赤水

四明佳境也

亦塵寰

和前韻

晴江

余尚焜

錢塘人

縹緲瑤宮未易攀停橈携屐暫開顏飛來碧海青天
外恰在高山流水間雲擁峰頭看冉冉泉奔石上聽
潺潺問歸亭昨逢僧話頓使塵心出世寰

武斌

方維新

紹興人

靄靄白雲深處老僧終日看經為問寺從何至舒州
原是祖庭

又

泉响常流碧澗簫聲每出瑤林眼底無非仙侶蓬萊
奚事遠尋

登飛來寺

鴻來

王

賓

楚雲杜人

果然福地無塵埃循級高坂亦快哉羅列諸峰環殿
角紆迴一水鏡樓臺流連今日忘歸去風雨何年挾

此來我欲停舟宿上界深林愁聽夜猿哀

雲臺山

懷一范禧紹興人

五色寒巖絢為霖濟世奢雨過層層擁風迴片片斜
出岫如堆錦浮空似散花絕巔仙篆在朝暮鬧蜂衙

遊飛來寺

崇曠劉守端安福人

兩入飛來暑氣深探竒且喜憩松陰窺人每集忘機
鳥掬水頻澆自在心猿洞不聞羣侶嘯花阡猶覺衆
香侵此中應有知音在欲對高山一鼓琴

題飛來古寺

實亭李穰國學南
海人

峽寺無殊靈鷲勝世人競道古飛來連朝侍坐王堂
上只見卿雲面面開

鳳來

孫可儀時年七
歲

朝也彌陀晚彌陀彌陀不住似穿梭如予陪佛堂前
立仄仄平平信口哦

庚子八月侍母赴清遠伯父署中夜泊禺峽誌

哀

功一孫可成一時年十
一歲

晚泊禺山下慈親雨淚流丁寧須記取爾父昔曾遊

又

明朝清遠署伯父見猶兒迸出十年淚雙雙共滿願
秋日遊飛來寺
于立 祝 時 山陰人

獨上飛來寺悠然愜素衷青山環殿閣碧水落崆峒
猿去憐孫恪丹成羨葛翁我來秋氣迥柿葉正飄紅

遊飛來作

任采 李世繡 安福人

峽寺飛來不記春蒼苔似錦絕香塵世人若問袁姬
事幻跡如何欲認真

讀書臺

鄭 廣 南海人

一椽風雨蔽江隈千古碑銘長綠苔莫道名山僧便
占有六先此讀書來

峽山吟

芳亭 李錦園 南海人

插漢雙禺擁翠煙巨靈開鑿是何年三更梵剎移千
里百丈金身降九天磨角石磨磬寂寂定心泉定水
涓涓登臨莫訝多陳跡猿化犀沉亦偶然

廖元素 南海人

人盡攢眉愁瘴地寺偏鼓鬪到炎天禺君不忍頽波
逝故倩梵宮砥百川

登飛來寺

卓臣 洗廷選 邑庠

古寺清江上維舟作勝遊
薜蘿盤徑曲梯磴入林幽
虹見山纓紫風恬舫織流
坐看松頂鶴頻把羽衣修
宿峽山寺

晚入飛來寺禪關月色朦
屐穿苔徑綠燈映佛顏紅
高臥凌雲榻小叅不死空
覺來心境寂初日挂林東

黃金谷歌

文天侯 國學邑人

此地誰云黃金谷我行見之生頻願
年少呼盧擲子金賓朋相遇如轉轂
等閒黃金盡牀頭庭前止有雀

來宿山廬鬻空虛稅存鎮日追呼聽
官鞫家離禺陽三十里無聊兀自遊
山麓有時飯後聞寺鐘手掬飛泉澆
枵腹吁嗟乎黃金谷黃金谷中帝子
不復歸緊誰恤我窮途哭

禺山避暑

達五 郭際望 邑貢生

嶢岫二禺山中宿流其下鐘磬出雲煙
蒼翠護臺榭相傳二帝子讀書日繼夜
我携殘卷來枕流消長夏帝子如有靈
于焉同稅駕賞竒與析疑悠然空萬化

藤橋

瞻明 何章燦 邑庠

拜經臺尚在閬寂不聞經我正懷人傑藤先報地靈
發生根自固接引日無停便是禪通處何須悟杳冥

白之瑜 邑貢生

勝境緊誰闢神功未有涯舒州移佛屋福地傍仙家
虎伏毋須射龍馴不用拏信知三教義同此思無邪

登禺峽

爵斯 歐觀祿 邑庠

怪石覆層臺竒峰逐望開天輪雙峽轉地軸一溪迴
雲白生紅日山青長綠苔可知名勝處古寺亦飛來

入禺峽

山澗日潺湲深菁鳥雀喧岩空藏月窟雲淨見天根
採藥神仙杳拈花古佛存登臨無限景默賞與誰論

半雲亭

兆斯 歐觀祥 邑庠

凌空攀絕頂漸覺出塵氛亭聳連雙峽山椒截半雲
風迴長杳渺日落更氤氳誰識無心處能將色相分

飛泉洞

吉人 歐觀禧 邑庠

何須矜海澗一澗與天通幽響穿危石寒光映彩虹
龍常潛奧窔雨不住晴空沁入心脾處瀟瀟澣熱中

聲士 何 售 邑舉人

福地多幽勝離奇不可方祝釐開法界濟涉駕津梁
玉液龍眠穩瑤林麝過香騁懷憑眺望萬卉傲春光

遊飛來夜泊

之損 王國縉 邑庠

偶發遊山興乘風挂片帆翩然臨古寺羨矣着偏衫

鳥宿菩提樹舟經帝子岩上方鐘鼓振念佛聽喃喃

伏虎樓

華玉 黃 璘 邑舉人

樓高凌碧漢虎伏峽山清信是誠能格敢云浪得名
奇文千古頌險道衆人行端拜穹碑下霍公氣尚生

飛來吟

李逢璞 國學邑人

飛來寺臨江畔二禺山插霄漢萬壑千崖深更幽鶴
唳猿啼朝至盱我攜雙屐強登臨羣僧相顧交相粲
合掌齊念阿彌陀爾老胡為恣泮免我才非龍門我
心樂遊玩名山大川遍歷難故園勝景能不看拂衣
只搜石上題不叅禪和子公案

遊禺山

逢源 梁文斯 三水人

抱得幽人僻懷當好景開恆思禺峽勝特自堯山來
花滿談經石風清化樂臺此遊殊不厭取醉酌金罍

峽山春遊

徐兆鴻 國學邑人

策杖尋幽春景奢
禺君招我看雲霞
東風一陣清香襲
頭上紛紛洒落花

李逢琬 邑庠

覽勝禺山盪小舟
青峰不斷水長流
神仙帝子杳難
即但看拈花上佛樓

黎文 邑庠

讀書坑

一書成書啟伏羲
象天法地辨文宜
誰云帝子無書
讀律呂同調採竹枝

尹玉 夏亦春 邑人

遊飛來寺

天開一峽瀉東流
水曲山迴疊疊幽
古洞有猿環已
卸梵宮無角斧
難修澄潭鎖斷犀
何在帝子書存字
莫共陳迹茫茫那
足問扶筇直上萬峰頭

介如 陳錫祺 邑人

禺山翠嶽逼雲天
水中流演百川
帝子書臺爾勝
跡仙人丹竈勒真詮
塵心冷盡猿歸洞
神武昭回幡
挂巔最愛瑤林松
頂雀修翎時振曉風前

黃珙 國學邑人

偶權扁舟出水灣
輕風吹送到禺山
振衣直上飛來

去笑看煙花映佛顏

體乾
白壯仁
邑庠

欲入禺山結艸廬白雲長伴一牀書閒來獨立高峰
頂海濶天空眼界舒

登禺山口占

體仁
徐士元
邑人

探竒開策杖逕造二禺巔勝豈茅君著名因帝子傳
水藍曲畫地山碧直摩天登臨頻極目飄飄興欲仙

飛來瀑布

兼五
余錫純
明經順
德人

氣機盈必洩消息瀑流通銀漢分青靄山腰吐白虹

月來不見影樹靜更聞風無地容煇暑人間只此中

飛來晚泊

仙石
李秀山
番禺逸
叟

偶泊飛來下山花峭壁開野猿歸古洞仙鶴集高臺
松韻閒僧聽煙深釣艇回客愁登眺盡江月尚徘徊

題飛來寺

備命
張易奇
蕭山人

寺從何處飛來問汝幾時歸去松聲鐘韻悠然明月
清風不語

遊飛來觀瀑

時瞻
鍾
山
杭州人

尋源緩步捫藤蘿為愛飛泉一放歌傷午白虹穿屨

再遊山志 卷四
日通宵素練挂銀河時當大火涼偏勁雲斂長空雨
復多勝到禺山遊不盡賞心至此更如何

重遊飛來寺

采日 黎 彥 番禺人

層巒翠聳碧雲深為憶當年策杖尋煙鎖藤蘿迷峭
壁路生苔蘚認疎林亭臺掩映飄花雨鐘磬悠揚靜
客心誰識飛來千古事尚畱名勝到于今

飛來古蹟

象臣 黎尚筠 番禺人

古寺岩堯天際頭飛來佳氣駐炎州何年振翮遙空
至此日攢山夾海流帝子樓臺明月夜梵王宮殿碧

雲秋蓬萊閬苑知相似過客應為汗漫遊

又

屹立千峰聳翠巔東南名勝舊山川天連鼎峙雲烟
鎖水抱乾坤日月懸肯信沉犀猶可釣由來面壁有
人傳遙知百里多循吏不盡清風送客船

遊飛來寺

和友人韻

訶林釋祖誠

巍巍古寺洵奇哉福地應從此處開風歸猿洞聲如
雨浪擊犀潭勢若雷我欲長歌誰答且回盼山山影
相顧林間老葉盡皆秋啣啣寒蛩朝復暮山僧自有

解愁方磬聲流出旃檀香更饒天籟蕭蕭發似昔仙人擁羽裳仙人遊戲原三昧萬古千秋今尚在一水乘橈橈直行兩山觸目目相對兀坐釣臺枕水瀨懷抱時人應未知釣竿研就珊瑚樹豈效釣名不釣螭崖枯偏引燒痕入草木經霜無寸濕亘地漫天盡網羅知命羣生運命急烟消火滅廓然清萬象悠悠殊有情落落素心何所托嶺松高聳鳥孤鳴山畔閒花猶帶蕊謝得山泉淪骨髓涼風陣陣襲荷裾歸路無塵如一洗愚公別後漫勞勞七十二峰回首高深谷

果堪酬薄志帽簷奚碍易霜毛歸去正當岑寂夜登樓多望碧雲瀉山翁有約再來期慙慙休令黃花謝重遊飛來寺和馬糧臺公姪又璉先生韻

廖元素道人 夔州人

誰說蓬萊水淺深我遊禹峽昔非今當年駭見排山勢此日欣聞清磬音神自舒州移佛殿世從福地景祇林與君箕踞雲臺上笑聽松聲并鳥吟

詞集

才龍吟

飛來寺

明王

兆

邑諭寧都人

脈連庾嶺派分曹溪秀出千山表飛來梵宇錦屏重
 列玉虹旋遶鳥度雲亭路迴峰磴藤蘿煙裊自稚川
 不見昌期去後畱幻跡知多少聞道歸猿綠鬢裂
 衣時相逢羣小丹丘紅杏青崖白鹿供吟未了目斷
 王孫鞭羊海嶼吹簫雲杪到如今東西南北人遊覽
 無昏曉

滿江紅

前題

孤枕夢回舟泊處曉鐘聲歇嘆古寺飛來何氏神功
赫烈金鎖斷時犀入海玉環獻後猿啼月憶王孫空
有讀書臺傷心切江天白浪堆雪丹竈紅灰旋滅
雲悠揚補就水殘山缺千仞翔迴雛鳳翼五更叫破
子規血看上方金碧耀崔嵬諸天闕

江城子 前題

千紅萬紫暖風柔解吾憂錦囊收正好尋山同上木
蘭舟引得飛來春又暮花落逐東流茅柴傾甕也
堪留客悠悠醉方休老僧索句寫上望仙樓掣電轟

雷都不說恐惹起鬼神愁

無俗念 前題

古寺橫江飛不去品題多少豪傑或梁或漢或唐宋
風雨殘碑銷滅駐節凭欄觀泉秉燭遊賞無休歇閒
煞禪僧名利那曾干涉登登少憩半雲足躡丹梯
手探山腰月七十二峰都應遍苔痕破履齒缺且坐
且歌且斟且酌塵事何須說醉臥繩牀夢繞上方宮

闕

臨江仙

峽中望飛來寺

錫鬘

朱彝尊

秀水人博學鴻詞

兩岸青山相對出李白至深至淺清溪李寒猿晴鳥一

時啼白居易泉聲咽危石王維草色引長堤皇甫冉乘興

輕舟無近遠賈至人隨流水東西劉長卿夜深古殿月高

低杜牧橋回忽不見岑參山木萬株齊劉長卿

江月晃重山載筆亭澹翁孫繩祖邑令潘陽人

地喜閑遊載筆風雲月露磨牙一亭景物洗沿華拚

盡醉滿壁儘塗鴉不作米顛拜石長尋江夢生花

十年而首染烏紗揮灑處星斗任橫斜

瓦山一段雲御風臺

翠屏川腋帶水束纖腰平臺綿亘鬱岵堯虛舟漾

杳如天風吹不動極目興偏饒置身圖畫挂雲霄

輕煙籠葦綃

春光好桃迺餘紅念功金式早開元人

鶯睨晚蝶踰躑艷陽天無那情懷別樣牽憶當年

行去青迷芳逕尋來翠襯蘚磚春意闌珊紅幾點一

巖鷓

行香子飛來寺省齋高日侯官人

兩岸沙明一派江平壘峰如畫展圍屏流分翠色樹

愛春榮看野雲閒山雲薄水雲輕 松吟佛號波定
禪情暢登高一洗塵睛飛來無意歸去忘形聽鐘磬
靜猿轂切鳥轂清

滿江紅 百花洲

曉晴 徐 喆 錢塘籍
山陰人

九十春光兜的裏看花時節况禹山峽水半是神仙
宮闕化樂臺前金粟多和光洞外海榴茁到而今遊
遍百花洲懸空說 棧是蓮雲虛設逕斷桃花誰折
聽山無數大鵲啼血津底龍吟磬未休江邊漁棹
歌才 荒洲只有拚淒涼江上月

憶故人 談經石 苕翁 劉繼禮 安福人

東來 到飛來寓間倚寒崖箕踞箇裏花香鳥語不
斷昏和曙 虬髯豈是無情緒憫世還須磋鑿佛法
真無多子與衆談談去

憶王孫 讀書臺懷古 韋邨 孫可佩 潘陽人

鑿破地靈人鮮到没字碑天然恰好黃炎偏有二禹
君剖石室呀唔早 山靈謾道文枯槁羨王孫埋頭
芳草贏得千秋賸荒臺橫翡翠蒼苔老

南歌子 古寺獨

地近蔚藍天峰攢翡翠
鈿亭臺何處不雲連
只有鳥啼花笑自悠然
長嘯蒼虬舞飛空
瀑布懸江天
風月最無邊
除是詩狂酒渴付青蓮

臨江仙 帶玉堂卽景

青螺夾岸水環流
凌晨氣爽于秋
捲簾極目與天遊
江山入畫裏
雲物一堂收
細鼓松濤
風正好帆飛
無恙扁舟數
敲漁笛度花洲
暮鐘來樹杪
新月挂峰頭

花臥仙岩聽瀑

寒泉咽危峰
晶簾捲碧空
雷鳴風吼不知處
抵多少
鼓晨鐘
蒼衣歷亂煙蘿杪
一派雨溟濛
仙人高臥石玲瓏
玉杵耳根春藤橋
隔斷紅塵遠
猛可裏地絕天通
門懸匹練
岩花落處雪影帶雲封

南鄉子 南禺桃源

鬆下現全身
濃點胭脂映水新
爭道美人沉醉起
熏熏滿面春風笑十分
漁父忽迷津
回首桃源記未真
紅雨夾花飛不定
紛紛流出溪邊總是春

酒泉子 流杯池

曲水流觴興何似永和修禊故如此偏餘暴雨帶飛
紅片片落杯中 驀地空王嚴戒律瀉出酒泉築禪
室勝遊只索向山陰無那峽雲深

相見歡 問歸亭

無端別去匆匆玉環空歸來亭畔無復舊花宮 記
得是櫟社上古刹東洞雲開處爭拜主人公

菩薩蠻 花阡

金鈔 合同生死粉褪香消都為此因甚忒無情花
魂棄 不礙鴛鴦枕却去埋他怎枕畔隔荒且

翻

念

歌子

遊飛來納涼菩提樹下夢回偶調

歐嘉逢 國學邑人

勝日乘涼峽寺前菩提老樹撼風尖僧入定客酣眠
空山夢與石叅禪

憶秦娥 花片

西韻 賀 鏞 安福人

卿卿我情痴自合珍花朵珍花朵剩粉殘脂怕隨風
隋 惹着餘香還意可長門埋玉魂空鎖魂空鎖枝
頭連理葉底雙顰

赤惠子 問歸亭

中孚 張爾信 廣東左衛山西舉人

洞杳杳霧濛濛
袁姬隱約在簾櫳
欲問歸時無覓處
閒花滿地笑冬烘

昭君怨 花叶

漢表 沈元柱 嘉興人

曉起玉釵橫
隋不斷應知耐
可珍重付檀郎
好處藏也值高封
青冢誰似惜
花情種羞殺好琵琶
葬黃

沙

金門 桃花溪

公三 王士俊 涼州人

漢

似武陵煙景
洞口無人攔
小艇悠然來
異

境

紛紛飄影不覺興
狂懷騁笑看落紅隨
漾

荇吹

瓊島頂

步蟾宮 峽中漁

黃藹觀 邑序

漁舟肅治禺山曲
翠壁下科頭翹足朝烹嫩藻晚鮮
鱗欣然飽澄潭沐浴
春光斂艷羣花簇興至也喝
么乎六蒲帆片片出山腰
邂逅處諸姑伯叔

醉鄉春 美人峰

曉風 賀遇梧 安福人

靜對菱花殼
悄沐雨櫛風昏
曉瘴煙過海
雲開眉黛又舒青
姣莫侈瑤池王老謾誇仙姑何小挽高髻

抱真心千秋萬歲超塵表

一剪梅

遊禺峽

今覺 劉永是 安福人

一派青山帝子家風捲雲車
濤捲銀沙猿轂長共鳥
巖許朝也哇哇暮也呀呀
蕭寺清鐘應水涯僧挂
架紫帆挂仙槎禺陽終日競繁華
南放瓊葩北放琪花

憶君王

讀書臺懷古

黃

球

國學邑人

千秋

處讀書臺積翠凝紅錦作堆
帝子何年去不

回

風捲殘花片片來

山寺步東坡公元韻

甲申作贈曠元上人

郭鍾熙

邑舉人運同

福地開禺峽帶水迴清灣
名峯七十二劈天露孱顏
葛壇達摩石仙佛時往還
天紳挂蘿壁慧雲封松關
帝子懷高風修竹滿空山
鐘聲出巖壑猿嘯烟霧間
老僧采藥歸因果談玉環
行歌懷初武暮雨迷青鬟
偕家雅圃再遊峽山寺

卅年未到歸猿洞一月重登釣鯉臺
幾點鐘聲搖碧去四圍山色送青來
行依鳥道捫蘿壁坐愛松陰掃

石苔帶玉堂前吟舊句夜深涼月尚徘徊

遊金芝巖

金芝岩口碧烟勻我到登臨雨墊巾千古盧公留臥
處忘機鳥獸亦親人盧公名度中宿人為齊將以材畧聞後隱居鳥獸隨之有鹿觸其壁度曰汝壞我壁應聲去池魚皆名呼之次第取食嘗棲息金芝巖枕石而卧至今自為盧公卧處

舟經禹峽觀瀑

去山十餘里遙見天紳挂一帆破峽來滿耳驚澎湃
風聲泉聲合力逞雄快一落千丈強水欲爭關隘
頑岸噴薄森光怪雷電儼交加覺聾兼警瞶

疎林竊渲染成圖畫山鳥雜喧囂榜人歌流喝

萬籟紛投不復聞梵唄扁舟溯流上觀聽真忘懈
七十二峯間莫窮流幾派豈獨淙碧軒灑作清涼界

淙碧軒呈秀間上人

火雲罩空炎威逼維舟來訪清涼國科頭跣足造懸
崖飽看山泉人不識老僧習靜若前知手自烹泉瀹
茗旗堆盤食我山間藪把卷示我袖中詩爭石水聲
滿耳來空山朗朗聞風雷泉聲如雨和吟聲葛衣浣
綠侵莓苔仰窺斜日射松杉板藤高步卧仙巖半山

隸字鐫壁紀選勝永懷朱叔子

巖在飛泉石壁上
有朱叔子隸書

壬辰春偕家桂生湘泉蒞舡春泉赴都峽山寺

留別諸戚友

一段離人緒裁箋欲寫難
風光春淡蕩別意水瀾漫
琴筑空山靜烟波夢境寒
燕臺七千里屈指計征鞍

戊午春暮于役滢江登峽山寺用坡公韻

福地仍為福不改凝碧灣
賊踞峽山寺攻守時往還

杜鵑啼血濃雲開松關老樹慘遭劫
古佛悲空山

憶共日詩賦留壁間一字已無存
豈復問猿環

妖言掃山靈應解顏名峯七十二
如笑聳螺鬟

家藕舡太守差竣回揚州府任餞別峽山寺仍

用前韻

氛淨二禺秀寒水凝清灣如睡
山容醒投林飛鳥還

境幽萬緣寂徑曲通元關黃鵠奮奇翼
舊遊談故山

老樹根柢深刻削暫時嫩綠較勝前
剝復理循環

一掬定心泉照我清癯顏努力躋高峯
拱揖森青鬟

喜重修峽山寺落成再次蘇韻

水曲隨山曲龍爪蟠清灣
寺上流為大龍爪
翠屏樹如人却

老返童顏革故鼎取新佛去今復還珠玉唾九天幽
泉出重關何能祛俗累箕踞坐深山豈能老逃禪佳
趣得此間古蹟搜苔碣色空悟猿環扁舟宜載酒臨
水數青鬢

偕家藕舡遊峽山寺各賦小詩二十首

半山亭

獨坐半山亭蒲帆過料峭舟行人背指相羨抑相笑
達摩石

林涇
掌鳥啼山倍靜拂苔坐片時心亦同禪定

軒

樹根作龍拏噴泉飛珠瀑三伏無炎曦寒侵肌起粟
雲臺石

雲臺造巔頂側身自俯仰悄不聞人聲泠泠石泉響
坡仙遊寓

東坡垂大名南遷留勝蹟結此山水緣倍生山水色
直指堂

豎指有禪理木樨香誰悟欲問歸洞猿林深不知處
翠屏山

品山志 卷四
茂林開畫本山應寺鐘鳴把酒問明月何如舊翠屏

讀書臺

採竹黃帝子愛此山中居義畫初成圖此外讀何書
連雲棧

指點連雲棧白雲一縷去無心出山行風送不得住

龍女峯

何時寺飛來峯始號龍女花鬢接雲鬟臨流始結侶

葛壇石

葛仙
成書傳抱朴子事在蕭梁前丹竈誰能紀

潭

犀牛斷金鎖傳聞各異地一月印千潭此境原不二

百花潭 即白泡潭

放舟百花潭雲開露山色指點最高峯去天真咫尺

韋氏園

李唐歷千載韋氏尚名園菜畦尋舊跡當年芥有孫

釣鯉臺

松陰昔垂釣臨流繪作圖
余有松陰垂釣圖小照友人題贈成冊
安得

如趙叟金鯉貢皇都

和光洞

昌期神仙尉會此餐烟霞刺有和光洞榴開五色花
凝碧灣

峽東江流定迴旋寺外環碧凝僧眼水青蘸佛頭山
卧仙巖

巖傳有仙卧欲訪楞伽臺卧仙不可見巖石生莓苔
仙源

仙源在中山靈深自護漱石山靈笑洗耳山靈怒

惜花

知莖花情倍癡花阡二百載誰曾酌一卮
壬戌除夕本淨禪師以重梓峽山志見貽賦此
報之 五古八十韻

造化觀天地塵寰屢滄桑成毀數前定興廢理之常
寺稱古飛來夙擅名勝場無端寇盜起蹂躪到上方
神通佛廣大次第靖欖槍革故鼎取新金碧倏輝煌
載稽峽山寺創建自蕭梁云是舒州來天風送浪浪
不煩興土木絳殿繞紅牆事幻語頗奇志古記偏詳
軒轅二度子採竹傳洪荒論世雖已遠尚有固不妨

達摩面壁久獅子石坐忘葛洪煉丹成仙鶴雲中翔
犀沉自愛角猿叫空斷腸理本警貪淫意亦示微茫
南禺與北禺一水流湯湯斯境殊幽峭四時鬱蒼蒼
樹連山徑隱泉穿石罅長衣單怯飛瀑帆轉逗斜陽
留題搜殘碣元音數初唐東坡垂釣處蟬聲送晚涼
琴筑空山句和者紛琳瑯吾粵海忠介仁愛溢詞章
我家北禺北溪山吾故鄉弱冠學詞翰涉筆嘆望洋
賞心愜素願得句付錦囊真味求菽粟俚語雜秕糠
未解趣安知麴蘖良足跡徧天下罕此山一房

春秋

外暑雨攜壺漿雲容與水態蠟屐又帆檣

珠官賦歸來巖谷恣徜徉櫓聲搖欸乃禽韻調笙簧
一磬空山定此樂未渠央紅巾忽倡亂如沸如蜩螗
僧寮無完榻殿毀悲空王愛士程邑宰擬改讀書堂
好道葉封翁欲使冠黃中丞柏雨田護法持僧綱長
壽本長老募建一肩當庭宇修而潔法相嚴且莊莊
蔚然成鉅觀蘭若生輝光此皆由佛力不壞是金剛
我亦山中人快覩喜欲狂不費買山錢可泛釣魚航
獨惜千年樹劫亦換紅羊昔遭無賴伐宰官示懲創

甲寅賊踞城斧斤日不遑萬木供爨薪大材製餘艘
近得雨露滋濃翠凌秋霜竭來阮俞運王版參修篁
漸復舊時觀悟入木樨香古松老輪囷忽受風災傷
條幹初茂密難禁大木僵生滅歸天數歎息撫經牀
禪院幸如故涼月轉迴廊江山終不改草木自繁昌
風暖杜鵑啼嵐開躑躅芳凝碧灣頭水停蓄如橫塘
六十八峯青屹立兩相望飛花春澹宕激水音清揚
會心得真趣造物無盡藏至德與廣慶命名何不臧
興廢

革治道同池張名山舊有志兵燹誰攜將

長老
羅鋟梓珍縹緗漱廬賊焚燬萬卷胥罹殃
歲除貽數帙喜獲饋貧糧開卷逢故友柏酒方稱觴
動我遊山興俗塵付風颺雨水剛應期天紳挂幾行
輕舟拖素練晴烟罩綠楊泉甘勝乳酪風爐自煮嘗
舉網看漁人烹鮮得鯪鱠山靈不我厭意氣殊激昂
發願禮三寶惟祝
國步康

賦以兩峯支碧漢一水抱清灣為韻

郭鍾熙 邑舉人 運同

勝境天開逸情雲上水悟化機山呈靜象樹幄周遭
禽言來往採竹當年至此曾消帝子之凡心界練終
古如斯似擘巨靈之仙掌峽非巫峽上下難別以三
山是禺山南北恰分為兩擬登峰而造極興託芒屨
信即事之多欣時來蘭漿烟乘曉散石倩蘿縫參差
螺黛天矯虬松拖青帶潤滴翠含濃水接藍而淼淼
山搖碧以重重作勢凌空儼天台之萬八千丈能名

屋指齊衡岳之七十二峯如髻之聳如肩之隨如龍
之戲如鳳之儀如巨魚縱壑如渴馬飲池寺從梁代
飛來神應樂此角自梅關挂去蹟故傳奇上古所讀
何書臺至今而尚在達摩坐禪有石蘚鋪字以奚疑
山僧從采藥歸乎行猶背指估客亦息帆來也坐且
頤支暢所欲我幽情言尋往迹館問研雲灣來凝碧
蠟屐印留香之橋筇杖拄談經之石老人松畔鳥擲
金梭白泡潭中魚翻玉尺樓高伏虎馴處亦合名溪
泉酌心觀心何須面壁聽空山之鳴笳梵磬同清

印峭之巢雲天根誰闢水曲巖歌步移形換潭訪
沈犀之寒洞問歸猿之幻雖韋郎舊圃隨花阡筆塚
以俱湮而龍女高峯映瓊島瑤林而並煥鼓鳴鐘應
翠屏山樵唱幾聲幢建幡飄蒼雪崖鷗啼兩岸枕流
泉而洗耳冷沁心脾轟健筆以凌虛章分雲漢綠樹
冬榮翠蒲秋茁丹竈迴風雲臺捧日和光洞古倚松
蓋以徘徊浴夢池深溯仙源而澗泊效孫登之嘯空
谷傳聲詠坡老之詩鳴禽協律壁垂簾而不捲淙碧
年年堂帶玉而如環浣青一一遊未倦乎日之夕矣

晚霞攢紅暮山拖紫舳舻相接知非貢鯉之舟波浪
 不揚依然振鷺之水漁舟唱晚倚巖畔以浮家宿鳥
 投林樂邱隅兮知止自是名山法界壇故留乎葛仙
 試看紺宇梵宮石特蟠乎獅子是山也秀毓扶輿靈
 鍾大造浴日之亭已古世凡幾更阮俞之運可稽山
 原不老崖誰鑿險石久成蹊樹盡參天根猶合抱待
 揀披而見寶地蓄金沙樂隱遯以何人巖餘芝草行
 吟往復意氣縱橫惟群山之拱秀滙眾水以澄清材
 應儲派待蹴鯨胡為乎幽人埋迹傑士銷聲呼明

月而千古坐頑石以証三生閱盡行人幾許片帆
 出沒瞥來孤鶴居然向我飛鳴神與為會意與為迎
 試縱懷乎今昔儼結想於蓬瀛何當近比番君人同
 山永遠方度嶺山以人名也爰作歌曰二馬挿漢兮
 一水迴環採山釣水分樂歲月之寬閒山鷄匪對鏡
 而自舞兮野鹿解銜芝而非頑踈鐘幾點兮翠微幾
 灣雨有奇態兮烟無定顏於此得少佳趣兮時徜徉
 乎十九福地之間

題峽山寺贈 本淨長老

李廷栢 芸坪

會此經過許再逢竟疑行履有無中飛來瓶鉢成初
地過去雲烟又幾重身老但携孤嶺鶴僧間時放一
樓鐘塵勞底事虛前約招笑靈壇萬壑松
長老屢約重遊以人
事牽率不果

前題步儀徵阮太傅韻

李廷栢 芸坪

平生走饑寒飽經此阿曲孤棹放中流舵
江天渺虛靜峰峰削成玉丁年一登眺冒雨叩丹麓

笠屐鼓雲根衣裙淨搖綠琅琅眾壑

雜絲竹

此地誠高寒那復戀晴旭石滑徑頗欹乘之未云足
倘能重飛來不待高僧速香火恐無因茲遊終不復

同治乙丑初夏

長老以山志見貽又以留題詩集見志作此奮之

時年六十有八

山寺重修告成感賦并序

長壽成果

峽山當清遠上游往來要道甲寅 巾經過無時

凡殿宇堂寮半被焚掠而寺幾不復為我雨山有

且將改為道院蒙 柏雨田大中丞以回我長壽

寺派僧前往住持且力為勸緣重修亦賊氛尚未

全息未敢擅興土木後數載漸幸清肅 庚申我長

壽寺本翁老和尚前往修理一肩其勞實許小琴

太守眷念名山力為之勸且助也今喜石成予既

目親其事且叨長壽法席感而賦 非敢言詩誌

始末云爾

蓮宮依舊聳林椒峰巖會經感寂寥誰信陽雙帝

子山中有二禺子祠極靈赫力無當日一神霄寺

改為道院宋神宗尚道教嘗有旨下改海會寺為

神霄宮寺中長老惠禪師陞法座告眾曰今有旨改

本寺為神霄宮我輩當別覓個安身立命處良久云

會麼即於法座上寂然坐化太守聞之停旨不改

仍為二時仙梵仍千古百八煙鐘湖六劫安得迴將

三峽水滌教寰海劫全消

八十翁會力一肩名山真面故依然千沙界幻於

夢二峯青到天鈴語復吟霄夕花雲仍散鳥

行 河聞道清今日想見安闌 石泉

青排羣峭作南屏萬里梯航路此經 束重厓天設

險寺飛千古地鍾靈中流汨汨誰先岨幻海勞勞夢

幾醒福我猶歸去未得無神勒北山銘

不堪狐兔昔憑陵差幸秦庭鏡有冰徧 民皆蘇疾

苦在山泉復見清澄寺藏樹裏呼仍出閣聳雲端勢

欲升從此靈山無恙在千秋人想柏中丞今寺中奉

生祿位

峽山寺追和錢湘船殿撰元韻

偶讀峽山留題集見錢湘鈴殿址古址豪矯健
多用險韻非深入韓蘇之室不能也三心枵儉不
自揣謹次原韻非敢言詩聊誌景慕耳

胸中久已無峻嶒壯游萬里差可徵一漚天人况滄

海芥子世界奚邱陵吾宗古有峽山寺地並與娜

嬛稱當年可望不可即丙午予嘗游吳路經今日

始到神飛凌七十煙鬟俯首避百千袁摩肩騰銀

龍飛空雪花迸古碧見底冰光凝忽而身已雲街登

雲一色脚底蒸手挽銀潢澆胸丹梯欲上差猶

能人兮喚欲鷹鸞簧鳳笙相丁二禺君兮靈

爽憑骨輕竟欲騎秋鷹置身高處忽慎天風力障

猶支藤佳游且留有餘地幽討會未窮高層壯懷當

年尚勇往到此敢不心凌兢岩崖踏徧心幽閱筋力

小憇神彌增濯足飛湍寒起粟披襟漉眠枕肱更

無壘塊可澆湯但覺定水相瑩澄幸而超蹤出塵堪

奚異縱翮辭網罟惟嗟仙山與福地輸彼鶴侶兼雲

朋故山如此不歸去霜鬢無乃徒翦鬢人可雖云有

仙島我輩究未為山僧行當十軸山楞岩

鳥快山志卷五詩

與彌勒同龕燈

追和謝里甫太史所繪禹峽山圖並以詩二
首元韻

飛來千古寺凝碧幾重灣峯簇兩堆翠天違咫尺顏
歸猿事已杳倦鳥飛知還詩今讀王謝一益懷荆關
未即見道心安能忘此山仙窟洵仙窟人間非人間
如何不招隱竟未吟刀環因憶禹峽圖懷此雙烟鬟
飛泉亭觀瀑五首
纔上雪濤飛已覺身輕減帶
久久澄心對深

碧

應駕鶴鸞歸

山中無地着塵勞一角孤亭快此遭
問置於圖畫

未雪花如雨濺吟袍

誰從天上挽銀潢洗出山林六月霜寒
一襟眠欲倦半空惟隱聽笙簧

更無塵滓不消融對此飛泉瀉碧空想是人間可氛
稜天教銀漢滌鴻濛
滄流去幾千年千尺銀龍尺五天下界
石瘕待蘇息莫惟清作在山東

峽山志後跋

峽山志前修於孫大令甲寅紅羊作

凡殿一寮

山志書版俱被焚燬而寺幾不復為我

兩山一飛

來一古刹耳 國朝康熙間經我尸翁

一和尚興

因拓大而為十方叢林故長壽飛來源

一脈相

關切蒙 柏雨田中丞判回我長壽寺

僧前往

持旋募緣重修奈賊縱經過無時未即擅

興土今

幸肅清許小琴太守關心佛法眷念名山

一勸壽

原住持本淨和尚前往經理經始以

申

年壬於

辛酉秋再思山志乃名山面目今
 從稽覈許太守乃捐廉重梓復懇 勞辛
 之序夫飛來雖名山乃經灾劫前柏中丞
 今 勞制府序其志使名山面目濯然一
 公佛玉局仙翻身重來既霖雨蒼生長
 澤旁及山林者哉將見雅望清聲與名
 窮是役也許太守力為之助本翁行年
 任下戊叨長壽法席目親其事若
 同 戊冬萬里行脚僧

